



Tē 15 kî 2003/3/20

2000 nî 5 góeh 20 chhòng-khan

Chóng-pian-chip
Pian-chip kap Siat-kè
Publisher

Tēⁿ Si-chong
Koa Khá-lé
Ko-hiông Tâi-gí Lô-má-jí Gián-sip-hōe

Bó-gí Kau-châi kap Kà-hoat

Tiuⁿ Hók-chû Hōe-tiúⁿ

Tâi-ôan Bó-gí ê kàu-châi kap kà-hoat, lán ê ki-pún khòaⁿ-hoat sī án-ne, hō tâi-ke chham-khó.

Bó-gí ê kàu-châi ū 6 ê ki-pún tiōng-tiám:

- 1) Kháu-gí, m̄-sī su-bīn-gí. Hiān-tâi gí-giân-hák kā lán kóng, kháu-gí chiah-sī 1-ê gí-giân ê lêng-hûn kap gián-kiù ê tûi-siōng.
- 2) Seng-óah iōng-gí, kap lán ták-jit seng-óah ū tī-tâi ê gí-giân chiah ū lō-iōng. M̄-sī kan-ta ē-hiáu àm-liām 1 tōa-tui ê kó-bûn beh tián hong-sîn.
- 3) Hiān-tâi-koan ê òe-gí, m̄-sī kan-ta kó-chá lâng kóng ê òe-gí. Höan-sī kho-hák, i-hák, tián-náu, bîn-chú téng-téng hiān-tâi ê koan-liām lóng su-iàu.
- 4) Tâi-ôan ê òe-gí, lōe-iōng kap Tâi-ôan ū koan-hē..ê, bô-lūn lèk-sú, tē-lí, seng-bút, khôan-kéng, á-sī chong-kàu, thiat-hák, lóng-chóng thang hō hák-seng jīn-bat kap gián-kiù Tâi-ôan, hō in chai thang thiàⁿ-sioh Tâi-ôan.
- 5) Sè-kài-koan ê tì-sek, thang kap pát-lâng kau-pôe, kap sè-kài liân-sòaⁿ.
- 6) Chù-tiōng gí-giân-hák ê gián-kiù. Án-ne lán ê bó-gí chiah ê kè-siök koh chìn-pō.

Nā-sī kóng-tiòh bó-gí ê kà-hoat, lán mā ū ki-pún chû-tiuⁿ:

- 1) Siōng-khò ê sī-sò, 1 lé-pài siōng-chiò mā ài ū 4 tiám-cheng. Koh-khah iàu-kín..ê sī ài iōng Tâi-ôan Bó-gí kà Tâi-ôan Bó-gí! Chiū-sī iōng Hō-ló-ōe kà Hō-ló-ōe, Kheh-ka-ōe kà Kheh-ka-ōe, GBC òe kà GBC òe! M̄-sī chhiūⁿ chit-má tōa-pō-hûn lóng iōng Höa-gí lâi kà. Chit-chiat 45 hun-cheng ê khò, Tâi-ôan Bó-gí kan-ta kóng bô 5 hun-cheng; chhun..ê lóng iōng Höa-gí kóng! Kiat-kiòk gín-á ôh--tiòh ê mā-sī Höa-gí!
- 2) Put-tân ài kà ê-hiáu kóng-ōe, koh-khah ài kà ê-hiáu thák kap ê-hiáu siá.
- 3) M̄-thang kā bó-gí tòng-chò ki-sút/ki-lêng-khò lâi kà, kan-ta chù-tiōng beh chiūⁿ-tâi piáu-ián nā-tiāⁿ. Tiōng-tiám sī ài ê-hiáu iōng bó-gí lâi su-khó tâi-chì!
- 4) Bó-gí khôan-kéng chin iàu-kín. Chīn-liōng chhòng-chō bó-gí ê gí-giân kéng-koan, chhiok-chìn bó-gí hák-sip ê ki-hōe.

Téng-bīn chit 10 tiám sī lán ê ki-pún chû-tiuⁿ kap iàu-kiù. Nā-sī kok-üi hōe-ôan ū siūⁿ-tiòh koh-khah iàu-kín ê tiōng-tiám, pài-thok thê-kiong hō tâi-ke thang chham-khó.